

痘科正宗

卷四

陳鳴和堂記

平板如蛇皮者不治

一出有黑點者不治

一出紫點無粒不成顆者不治

倒出面無一點三日始及領下而細密者四日面

必細密無縫者不治

一熱卽腰痛先見點於腰紫白相間者不治

四日通身稠密無縫而灰色者不治

蒙頭覆金者不治

鎖口鎖唇不分珠者不治

兩鬢細碎不分顆者不治

托腮鎖項餘痘灰暗者不治

通身蘆沙者不治

痘稠而間青紫點者不治

油光細密者不治

身多攢簇餘痘慘淡板實者不治

頂薄根板通身淡乾紅者不治

頂如茱萸殼暈紫艷者不治

痘卽稀血色如桑椹點紙紫鮮者不治

通身焦如火燂色暗者不治

痘頂平板根細束而乾紅者不治

見點後搐風不已者不治

咽啞兼水噎者不治

咽啞失音者不治

嗽喘往來有聲者不治

兩目無神天弔者不治

一出吐蛔蟲不止者不治

大便下蟲多者不治

五日唇掀腫而痘不起者不治

瘡痕出血者不治而並珠者不治

目中出血者不治而並者不治

口流血水者不治而並者不治

大小便下血而痘慘淡者不治

五日四肢先起而面不起乾焦者不治  
身多青紫如浮萍者不治

痰湧氣促者不治

六日痘密板而面血不動者不治

六日作癢抓破者不治

七日作癢不禁者不治

七日面上滯色不退者不治

七日血不定位按之全無者不治

七日肉腫痘不腫者不治

七日聲啞兼痰喘者不治

八日面痘板實無漿者不治

八日身下皆水泡者不治

八日正面無膿乾斂者不治

八日抓破無血者不治

九日無膿色晦者不治

九日面上乾收而血不斂身上血紫散漫者不治

十日後目開失神者不治

帶火收靨兩目不開搖頭鼓頷手足撩亂啼聲不出此餘毒發洩無門也不治

帶火乾收黑痂嵌於肉內而肉地板實黃黑暗色者不治

頭仰而不能俛足歪而不能正者不治

痘疤暗白全無血色者不治

痂落無疤痕者不治



疤泛而四潰穿連色乾暗者不治

發出瘡毒絕無血色者不治

發瘡爛成深坑無血色者不治

口內出疳流入咽喉而聲啞者不治

毒結於肺管喘氣出入有聲者不治

餘毒纏綿日久以致氣血兩虛元氣脫而目上吊

者不治

痲落後忽然中風角弓反張者不治

以上不治之症見於七日以前者症本逆而不治也  
見於七日以後者皆失治而戕也

增減費子藥性摘要

方不合宜厥疾何瘳藥不明性方從何合山查寬氣  
道而鬆痘消食亦宜桔梗順肺氣而清喉藥中舟楫  
澤瀉利水通淋猪苓速於澤瀉前胡清風熱之痰亦  
能下氣葛根散肌表之邪兼能解渴薄荷清風痰而  
散驚釣藤利驚搐而散悸木通導赤除煩毒從溺解

牛蒡清喉解毒邪由肌洩枳殼下氣寬胸青皮散結  
消食枳實倍於枳殼力能推墻倒壁大黃驅臬毒而  
不留破惡淤而不守不令內潰石膏解煩渴之如烟  
退炎炎之火烈不使焦黑荆芥散風熱而清血中之  
火徹上徹下防風散風邪而行周身之閉驅風燥濕  
生地黃涼血之聖劑潤燥無雙當歸尾破血之首卒  
透血卽却麻黃發痘而透淵潛非寒勝而不宜穿甲  
透毒而至重圍非板白而不用毒凝滯而不透紫草

當行血乾滯而不榮紅花莫失羚羊清乎肺肝犀角  
解乎心熱黃芩瀉肺火而涼大腸喘嗽失血亦宜黃  
連瀉諸火而解熱毒譫語乾嘔聖劑赤芍藥破血中  
之滯氣療毒壅之腹痛牡丹皮退陰中之伏火散血  
中之氣結桃仁佐大黃而退浮萍血淤必用地丁君  
紅花而去黑紫毒結尤良貝母治毒痰而利肺心桑  
皮瀉肺火而治氣逆滑石利六腑之塞結溺赤尤宜  
豈根開咽喉之閉塞止痛亦得連翹均足瀉火花粉

可以解渴元府留毒化之無敵珍珠毒凝痛楚定之  
還需乳沒牛黃護心解毒清火開痰琥珀利水除煩  
安神散血金銀花解痘後之餘毒皂角刺決癰毒之  
膿竅邪留下部行走必需牛膝毒存筋骨通散無逾  
羌活元參去浮遊之火解咽痛而快癍山梔去曲折  
之火清肺胃而止衄木賊蟬蛻退餘毒之目翳甘菊  
穀精療痘毒之目疾龍膽草平肝無比猪尾膏活血  
莫敵藥品浩繁惟貴精擇純熟其性泛應曲當

治痘選要方

歸宗湯 不論痘始終以此爲主後有加減

川大黃

生用

大劑八錢至一兩五錢中劑五錢至一兩小劑三錢至六錢八歲以

上用大劑四歲中

劑一歲上下小劑

懷生地

酒洗

大一兩至三兩中八錢至一兩五錢小三錢至八錢

赤芍藥

大二錢至四錢中一錢至二錢小七分至錢半

四花青皮

大三錢至五錢中二錢至三錢小八分至錢半

牛蒡子

炒研

大二錢至三錢中一錢至二錢小八分至一錢

木通

大二錢至三錢中一錢  
至二錢小五分至八分

荆芥穗

大二錢中一  
錢小五分

東山查

大一兩至二兩中五錢  
至一兩小二錢至五錢

痘不板實細碎不內  
傷並上青皮皆不用

大劑煎一茶鍾至鍾半中煎五七分小煎三四

分四日以前如身大熱大渴譫妄失血頭汗自

汗撩衣去被身熱肢涼舌刺唇焦口穢哈舌一

切大熱發揚之火卽加

嫩石膏

煨

大一兩至三兩中八錢  
至兩半小三錢至八錢

青皮

四日以後身熱一退即宜去之恐其太寒血凝而難透也必待七日後血活身復熱而後再加  
四日以後正當活血之候也本方即加

紫草

酒洗

大三錢至五錢中二錢  
非紫梗 至三錢小八分至二錢

此行血之要藥必待血透勻而後去之

痘之形

一切攢簇本方多加大黃

青皮

山查

托腮蒙靨囊毬本方加元參

大三錢中二錢小一錢



咽關本方加枯黃芩

大三錢至四錢中二  
二錢小八分至二錢

桔梗

大二錢中一  
錢小七分

粉甘草

大六分中四  
分小二分

抱膝本方加懷牛膝

大二錢中一  
錢小七分

鬆和本方減大黃

去青皮

蒼老充肥光潤本方俱減大黃

去青皮

或去

大黃

頂綻尖綻本方減大黃

去青皮

板實平扁柔嫩灰陷本方俱多加大黃

青皮

山查

穿山甲

蛤粉炒研

大一錢中一分小二四分

飛漿本方加大黃

青皮

紫草

桃仁

炒去皮尖研

大四錢中二錢小一錢或六分

浮衣本方多加大黃

紫草

青皮

山查

痘之色本肥紅本方減大黃

去紫草

青皮

加

生地

深紅本方去紫草

加生地

量加石膏

艷紅本方去紫草

多加生地

石膏

丹皮

乾紅本方加大黃

紫草

桃仁

身熱多加石

膏

牡丹皮

大二三錢中一二錢小七分至一錢

紅花

酒潤

大一錢中七分小五分

嬌紅本方加紫草

桃仁

丹皮

紫艷本方加紫草

丹皮

多加生地

石膏

紫老本方加紫草

丹皮

紫黯本方加紫草

丹皮

桃仁

歸尾

紫花地丁

去臺

大一兩中七

錢小五錢

焦紫本方加紫草 桃仁 丹皮 地丁 石膏

身不熱不  
必加石膏

青蓮浮萍蚤癬蚊跡本方加大黃 桃仁 紫草

歸尾

酒洗 大三錢中一  
錢小一錢

豬尾膏

大一酒盃中  
半盃小蛤殼

夾疹夾癩本方加紫草 生地 元參 丹皮

豬尾膏 穿山甲

板黃本方加青皮 紫草 大黃

痘之症 大渴本方重加石膏

舌刺咽乾本方加石膏 枯芩

川黃連

大三錢至四錢中一錢  
至二錢小七分至一錢

徧體炎炎本方加石膏 黃連

四肢逆冷本方加大黃 石膏 青皮漿前不可  
加石膏

譫語本方加黃連 石膏 烏犀角磨  
汁 大五分 中三分

小二  
分

乾嘔本方加黃連 石膏 滑石水  
飛 大一兩中 七錢小四

錢

甘草解滑石之  
燥也量加

哈舌弄舌本方加黃連

犀角

石膏

木通

拂鬱皮毛本方加大黃

青皮

元參

歸尾

啼號不已本方加黃連

青皮

大熱加石膏

痰迷上竅本方加黃連

犀角

川貝母

去心

大三錢中二錢小一錢

胸膈遏鬱本方加黃連

青皮

枳殼

麩炒

大二錢至

五錢中二錢至三錢  
小七分至一錢半

前胡

大二錢中一錢半小八分

靜躁不常本方加大黃

青皮

身熱加石膏

身不熱

加羌活

桃仁

紫草

骨節煩痛本方加大黃

元參

青皮

川羌活

大二錢中一錢小六分

腰如被杖本方加元參

羌活

大黃

歸尾

青皮 穿甲

身大熱

去穿甲

加石膏

筋抽脉惕本方加大黃

青皮

羌活

身大熱加石膏

火擾不寐本方加黃連

犀角

大熱加石膏

琥珀

研極細和服

大一錢中五分小三分

胃熱不食本方加石膏

腹脹加枳實麩炒

大三錢至五錢

中三錢  
小三錢

欬嗽喘本方加桔芩

桑白皮

微炒

大二錢中一錢小五

分

桔梗

喉痛聲啞本方加桔芩

甘桔

痛

加元參

山

豈根

大三錢中二錢小八分

痰喘本方加桔芩

川貝母

桑皮

甘桔

頭汗身汗本方加石膏



天柱傾側本方加石膏

大黃

杭甘菊

大一錢中

入分小五分

紅絲遠日本方加大黃

青皮

穿甲

口穢噴人本方加石膏

黃連

發始咬牙本方加大黃

穿甲

石膏

身不熱不加

漿後咬牙本方加大黃

石膏

生地

丹皮

皮壅肉腫本方加大黃

青皮

丹皮

頭面預腫本方加大黃

青皮

前胡

量加石膏

鼻衄本方加枯芩 元參 生地 丹皮 石膏

山梔 炒 大三錢中二錢小一錢

溺血本方加黃連 生地 滑石 木通 甘草

小便短縮本方加黃連 滑石 猪苓 二錢 甘草

大腸逼迫本方加大黃 青皮 桃仁 滑石

火注大腸本方加滑石 猪苓 大三錢中二錢小一錢

澤瀉 大三錢中二錢小一錢 條黃芩 大三錢中二錢小一錢

甘草

大便下血本方加生地

桃仁

滑石

條芩

大黃

大便不通本方加大黃

枳實

前胡

滑石

腹痛本方加大黃

枳實

赤芍

前胡

寒戰本方加石膏

生地

黃連

荊穗

血熱作癢本方加生地

石膏

丹皮

搐風本方加羌活

南薄荷

大一錢中五分  
小三分

釣藤

同上

內傷食本方加枳實 前胡

風寒本方暫去大黃生地加防風

大二錢中一錢小五分

葛根

同上

升麻

大八分中五分小三分

生薑

三五片

隆冬之時

加麻黃

蜜炒黑

大五分中三分小二分

表邪一清再有他症仍照本方加減

風熱本方加前胡

防風

葛根

忍冬湯

一切痘後餘毒此湯主之後有加減

金銀花

大三錢中二錢小一錢

赤芍

大一錢中八分小五分

土貝母

大三錢中二  
錢小八分

牛蒡

大二錢中一  
錢小八分

連翹

去大三錢中二  
實錢小一分

木通

大二錢中一  
錢小八分

荆穗

大一錢中八  
分小五分

紅花

大八分中五  
分小三分

枯黃芩

大三錢中二  
錢小一錢

羌活

大二錢中一  
錢小五分

甘草

大五分中三  
分小二分

毒留下部加牛膝

痘疔加歸尾

青皮

地丁

癰加生地

皂角刺

地丁

牙疳加天花粉

大三錢中二錢小一錢

痘後一切餘毒輕用忍冬湯加減如身熱有惡症仍用歸宗湯加減

化毒散

牛黃

二分

珍珠

四分  
生研

冰片

一分

黃連

一錢

川貝母

炒一錢

雄黃

一錢

赤芍

五分

花粉

二錢

甘草

七分

大黃

半炒半生  
各二錢

乳香

二錢  
出汗

沒藥

一錢  
出汗

右爲極細末用真麻油三兩真鉛粉一兩二錢  
蜂蠟三錢熬嫩膏黃黑栗殼色待冷將化毒散  
和於膏內貼一切攢簇怪痘腫毒疔癰並治一  
切惡瘡惡毒

### 珍珠散

珍珠

一錢生研極細  
粗恐傷腸胃

牛黃五分

右爲極細末治舌疔喉癰疔瘡入喉結毒內府  
及一切要害之毒以此散或五分或三分蜜水

調下與藥間服

消疔散 治牙疔口瘡

薄荷

五分

兒茶

一錢

人中白

煨三錢

黃連

一錢

青黛

水澄一錢

天花粉

錢

冰片

一分

甘草

五分

雨前茶

五分

牛黃

二分

珍珠

二分

白礪砂

一錢

右爲極細末先以濃茶拭淨吹之

撥雲散 治痘後一切目疾



黃連 五分

木通 五分

荆穗 五分

大黃 三分

甘菊 三分

羌活 七分

甘草 三分

穀精 五分

金銀花 一錢

赤芍 五分

燈心 一分

羚羊角 三分  
磨汁

目白紅加生地 二錢

黃芩 一錢

赤腫而身熱者加石膏 三五錢

龍膽草 一錢

雲翳加木賊草 五七分

蟬蛻 五個至十五個

參歸化毒湯 治餘毒留連日久氣血不給人無精

神而毒未愈者此湯主之若大熱氣雄神揚者  
不可用

人參 當歸 黃芪 白芷 甘草 牛膝

貝母 山查 紅花 皂角刺 無癰不用 金銀花

加胡桃肉一枚 碎

金蓋散 治痘腐爛不收和皮脫去以此散撒勻在

褥令兒眠上若以絹袋盛而撲之亦可取黃牛  
糞曬乾礮糠火煨存性每用兩分加菘豆粉一

分共研細末

敗草散 卽房上黑爛草也爲末治同上

論大黃

大黃之力斬關奪門爲蕩滌之將軍梟毒烈火當之  
尚且退聽於氣血獨無所損乎况痘賴氣血爲始終  
一有虧損何以領載而成功也不知有病則病受病  
受其藥則銷鎔在邪毒邪毒一去氣血不爲毒害而  
得通融灌溉於痘矣不惟無損於氣血正所以維護

氣血也卽如病在十分藥至九分尚有一分之未當  
於氣血何損之有曰毒火爲害固當攻矣芩連梔栝  
何莫非解毒清火之藥而必需於大黃者何也不知  
毒火輕淺而發見者芩連梔栝何不可以爲功必用  
大黃是割雞必用牛刀也况痘症無病則已一有病  
卽是毒火鬱滯如六七成痘非痘之順而稍欠調理  
者乎然其病非氣滯而稍板卽血紅而間白使非氣  
血鬱滯何以不得通融耶至於極險之症毒火一萌

氣之爲壅血之爲淤板而不鬆紫而乾滯潛伏深藏  
芩連雖善清解烏能搗其巢穴耶得大黃斬關奪門  
而八芩連梔栝亦隨而進焉皆得以爲功矣以是知  
藥之必需於大黃者以其痘之皆鬱症也故便閉者  
可用有傾腸直注而更加者漿前可用有至靨後而  
猶不敢撤者有瀉利者用之而大便反實不食者用  
之而胃氣大開泄瀉百度而精神不減用至數觔而  
肌肉更生是豈尚奇立異哉正症之所宜爾也惟是

隨其症之所宜權其輕重較其緩急別其隱見不執成見於我而因應之人見爲異吾惟行所無事而已有人焉豐衣足食獨坐高歌一朝而爲羣寇所劫登其堂入其室以縛其主而且分據要害結爲巢穴雖有衣食非復我之所有矣斯時憐其主之困贈之以衣食以濟其不足其主方受縛惠能及其身乎勢必爲寇所奪寇得衣食其勢愈熾寇愈熾而主愈危矣所謂齎敵以糧者此也爲此時計勢必多用甲兵擒

其寇而後可解其危於是荷戈者有秉鉞者有張  
弓挾矢者兵非不利其如巢穴完固何得一大將軍  
斬關奪鎖而入諸將相隨亦與有力焉寇失其巢而  
不容藏必奔潰於外人人得而縛之或用誅滅或用  
招撫操縱在我羣寇一息其主自安矣倘有不足斯  
時周之方得實惠明乎此而又何疑於大黃哉

論石膏

石膏名之曰白虎其寒之颯冽可知矣且脾胃喜溫

而惡寒芩連犀栢尙不敢輕投乃用之兩許以及數兩更有始終不撤用及數觔者於脾胃獨無傷乎不知痘犯毒火兩盛火而出之於毒不啻一熱而已毒而發之爲火其猛烈更當何如也僅以芩連犀栢是杯水之救矣故大熱必需大寒石膏雖寒僅足以制其亢猶不能驟清其源焉有餘寒而傷及脾胃者乎故胃寒則不納乃用之而胃氣大開脾寒則不化乃用之而大便反實血寒則凝乃用之而紅活光潤氣



寒則怯乃用之而精神煥發儘有落痂之後火邪似乎淨盡乃復起牙疳目生翳障但有未盡之火不見有過寒之症總不越有病病受要惟中病則已容可過乎哉隆冬飲水再無不腹痛者昨宵醉之以酒及五更而口乾舌燥滿胸發燒得冰水斗餘而不厭所欲腹中尙且暢快之不暇又何痛之有哉明乎此亦可無疑於石膏矣

豬尾膏

凡血皆補惟猪血能破出之尾尖更活動也血淤之  
極如毒絆黯白浮萍非此不爲功凡取用公猪不拘  
大小縛之去其尾尖待氣定血自出矣以帛過之再  
不得疑每杯加水片釐許以開竅也俗人多忌之不  
知其功大過於草木之味以血活血猶之乎以血補  
血其透活孰有逾於此者乎觀水銀能灌鉛錫則可  
悟猪尾膏之義矣

俗人發表禁忌之悞

發表之說不知創自何人乃流弊於今淪肌浹髓而不可拔天下識見如出一人見痘不長惟以發表爲事如胡荽苜蓿根葡萄支圓椿芽陰柳之類雖亦痘之所不宜然亦無甚大害獨有兒臍人牙與酒爲害不小何也痘之不長皆是爲毒火壅結氣血而不得長也兒臍人牙其性燥烈至極况毒火清之尙不能殺其勢一遇燥烈之味毒火愈熾痘之焦紫立至矣痘不貫膿皆是熱血凝滯而不得化也酒最能助血

之色以熱血而遇酒非紫則艷矣是作癢外剝之媒也本欲助其長而適以害之可不戒哉至於禁忌之多而且嚴亦不知始自何氏大約皆庸醫所留之後門也其流弊爲害不可勝數卽如忌飲冷水人之饑而不得食數日可以不死渴極而不得飲立時可以傷生火盛之痘五內沸騰非猶等閒之渴若得冰水一碗不啻得藥一劑而乃聽其焦渴至死而猶不敢與究其故恐傷脾胃也石膏用至數觔而尚不至傷

脾胃冷水又何足言哉謹慎風寒天氣嚴寒自當避之至於夏月盛暑之時人之無病者涼亭水閣尚不能當其熱而乃以內外火盛之兒置之重幃之中卽至煩熱如火徧體如霞亦不敢開窗舉扇以致焦紫燥癢以成外剝不深可痛哉至於穢惡不堪之物自當避忌乃無故燒之以大棗熏之以蒼朮不知欲避穢惡而濃烟滿室適足以助其燥也禁忌生人看視亦不爲害忌人見者恐其外見不潔之物以撲其痘

也人之目如鏡然物過卽化焉有外見不潔之物猶  
在目中足以撲其痘耶並其家中人亦不與見延醫  
調治樂與看視然醫者何物不見且非親非故乃何  
以令醫見而反不令家中人見耶更可笑者並其父  
兄亦不使之見不知年高之人或經歷多者痘之美  
惡雖不得其詳其大概亦能臆料乃不使之一見終  
日淨室自守迨至七八日不見起貫始謀之於人以  
求治嘻已晚矣不痛可恨哉目睹時弊徒深悼嘆已

耳吾安得盡天下人而易之也

疹症撮要論

疹出於腑前人言之詳矣亦感天地邪陽太旺之氣  
而出其大概與痘相同但痘五經皆見症而疹獨於  
肺居多何也疹未有不嗽者嗽肺之鬱火也疹多喉  
痛喉者肺之竅也肺火上衝於喉故痛痛者啞之由  
也疹多腹痛大腸者肺之腑也肺火衝突於內故腹  
痛疹多泄瀉大腸者傳送之官也肺火下注故瀉疹

多喘喘者肺氣太盛也疹多痰痰者肺火之所蒸也  
疹症不一肺病獨多故善治疹者惟以清肺爲主諸  
症以兼治焉則思過半矣

### 發揚症治

疹亦曰毒其爲火也無疑矣火之性喜散不喜遏疹  
毒一萌其燄卽能旁達順其性而散見於外其熱却  
盛雖盛而得安未出之先面現紅潤手足溫和至於  
火之重者大肆猖狂之性或目紅面赤或燥渴譫妄



其既出也或焮紅或紫艷或衄血或痰喘此火之發揚者也其勢雖梟易於撲滅宜寒涼而解散之

隱伏症治

毒火太盛遏鬱於內鬱於肺而乾嗽不止或腔中作音氣遇之而滯不能伸其領毒之權血遇之而淤不得舒其載毒之功面顏青慘者有之或白色黃色者有之身熱肢冷者有之煩躁而身不熱者有之淹滯日久浮沉於皮膚之間此皆氣血壅滯不能領載而

出也急破其氣導其淤使氣血通融自能領載而出  
矣其既出也或頭面稀少或不紅猶是血淤也  
仍破其淤待其紅而火見於外始用寒涼而解散之

發熱症治

疹毒一萌熱卽兆其先其勢與外感風熱相同身熱  
欬嗽鼻塞聲重涕唾稠粘惟以嗽爲憑嗽之重者疹  
亦重嗽之輕者疹亦輕其治法惟先以清肺涼血兼  
散風熱不宜升發升發之害與痘無異火之輕者升

之亦可解散火之重者不提而猶上竄一遇升麻川  
芎必上炎而參陽位頭腫喉癰聲啞氣喘可立而待  
矣此治其常者也若遇梟惡之症毒火隱伏如上文  
所云者將來必至險逆一見其浮沉淹滯卽當急爲  
破淤庶不至於悶疹與夫一出卽沒之症待其旣出  
有形色可見又當隨其症之輕重而因應之

疹之形

細碎

疹不宜成顆粒宜微見其形似粒而非粒細碎而且  
鬆和此疹之正形也

粗大

疹宜細不宜粗凡見點成顆而大後出必重先見於  
面後雖重猶可挽回若先見於身而面不見點清氣  
不得上達須防一出卽沒之症宜早攻發

稠密

疹不宜稀稀則內必有伏毒不能盡見於外也稠密

均勻疹之佳觀也使雖稠而不勻毒卽有通塞不及之處是氣血不得通融也透發猶不可已

### 疎散

疎而且散周身一律此疹之最佳者使上稠而下疎毒猶有未發之地後必餘火纏擾若下稠而頭面疎疹之更不宜者須防收緊作喘之症必加大黃青皮以透之兼以紫草赤芍導其淤使其徐徐收去方不爲害切忌風疹未出全賊風一吹恆有毛竅閉而卽

沒者

疹之色

紅活

疹色之美惡與痘無異紅活潤澤者疹之佳色也

淡紅

色淡而潤兼無內症疹之最佳者若淡而不潤或乾或嫩此不正之色也淡而乾者未必伏淡而嬌者火必盛毒伏必攻火盛宜涼

深紅

紅而色重是血熱也宜清散

艷紅

色鮮若胭脂此血熱極內必有大火過午卽發急大用寒涼以預制其燄遲則躁狂痰喘立至矣

乾紅

如有礬之紅淡而不活此有伏毒而血內淤也顆必

大而嫩必燥急宜攻破以防倒靨

紫

血熱極而將淤也急破而涼之若帶艷則更重矣

黯

較紫而更重初出色黯急破之遲則難救半靨色黯  
無妨

白

白者血淤之極也白而有內症急破其淤遲則倒靨  
白而勻無內症身不熱不嫩是其血原不足而無火



則無病矣

疹之症

疹凡見症與痘無異不必再贅後詳列於加減

論疹順險逆

熱勢和緩微嗽神情開爽二便如常寢食如故熱二三日而出細而勻疎而散紅活滋潤先於頭面次及周身二三日出盡緩緩次第而收毫無內症身卽不熱不嗽此疹之順者也無容服藥

如身熱而多嗽越四五日而始出雖見於面而細密

成片次及身而皆然色過於紅身猶熱而嗽神情不  
舒寢食得半此症清肺涼血數服可愈疹之順而險  
者也

至於身大熱而神情猶不迫嗽聲多而腔中無音面  
紅頰赤氣雄身燥身動而忽然汗出或腹痛或作瀉  
六七日而始見先出於身次及於面後及足脛或稠  
密無縫或艷紅或色紫二日出齊而身熱不退欬嗽  
連聲未幾欲收大熱煩躁聲啞氣喘此疹之險者也

先宜清肺涼血後當大用寒涼恐其帶火而收閉自  
痰喘而難爲矣

乃若大熱煩躁乾嗽不已或身燥肢冷腔中作音面  
色或白或黃噎喘氣促或衄血傾注淹滯日久而不  
出或身出而面不見點或見點粗大而稀色白而黯  
或浮沉於皮膚之間而出之不快或上稠而下不透  
或身密而面稀或焮艷或紫黯未幾而帶火倒靨痰  
湧氣促目閉無聲此險而逆者也必始終攻發大用

寒涼而後或可挽回也

更有面顏青慘啼聲不出兩目徬徨搖頭鼓頷手足  
撩亂此又疹而悶焉者也斃不終朝矣

### 症治大畧

凡小兒身熱欬嗽毛竅聳突筋脉微惕有出疹之象  
卽爲之清風熱平肺審量症之輕重以爲藥之緩急  
及其出也或透毒或破淤或涼血有三日而齊者有  
四日而齊者有云隨出隨靨者此無經驗之言不可

爲訓出齊卽審其血色症狀如火盛血熱或艷或紫  
當速與涼血活血清火以預防收回之緊當遲三兩  
日而後收務使其紅活此正候也收後自是無病使  
前失於清解帶火靨緊惡症肆出乘未全收大用寒  
涼兼於透發若已帶火全收閉目作喘而身不熱忌  
用寒涼專於透發務使之再見不拘稠稀乃可慶生  
至於疹後餘嗽未息不過清肺而已此大畧也輕重  
緩急之權宜存乎其人矣

疹後痢

此火毒注於大腸非真痢也腹必不痛宜清利不宜  
止塞若誤用止塞俾火毒無出路後將有性命之憂  
世人謂疹後痢難治非難治也誤治也

餘嗽不止

此肺中餘火猶未清也宜清肺

娠婦出疹

與出痘同症治宜照本方加減

疹症選要方

清金一貫飲

分數與痘同

枯黃芩

大三錢至五錢中二錢至三錢小八分至一錢半

牛蒡子

大二三錢中一二錢小一錢

桔梗

大二錢中一錢小七分

前胡

大二三錢中一二錢小一錢

荆芥穗

大錢半中一錢小五分

木通

大二錢中一錢小五六分

青皮

大二錢中一錢小七分

赤芍

大二錢中一錢小五分

甘草

大六分中四分小二分

右水煎服本方後有加減

凡有鬱症卽加大黃

大五錢至一兩中三錢  
至六錢小一錢至二錢

見點血熱卽加生地

大八錢至二兩中五錢  
至一兩小三錢至五錢

大熱火盛卽加石膏

大八錢至二兩中六錢  
至一兩小三錢至五錢

三日出齊卽加元參

大三錢中二錢  
小一錢

粗大本方加大黃

蟬蛻

五個至十五個

稠密不勻本方加大黃

山查

三錢至一兩

深紅本方加生地

丹皮

一二錢

元參

艷紅本方加生地

大黃

丹皮

石膏

元參



乾紅本方加大黃

紫草

一二錢

生地

丹皮

桃仁 一二錢

色紫本方加大黃

紫草

生地

丹皮

石膏

色艷本方加大黃

紫草

生地

石膏

色黯本方加大黃

紫草

生地

桃仁

色白本方加大黃

紫草

桃仁

歸尾

一二錢

大渴本方加石膏

大黃

舌刺本方加石膏

大黃

生地

黃連

一二錢

大熱本方加石膏 大黃 生地

肢冷本方加大黃 丹皮 石膏

譫語本方加大黃 黃連 石膏 犀角 三五分

如生地

乾嘔本方加大黃 黃連 甘草 滑石 五錢至一兩

哈舌本方加大黃 黃連 石膏 生地

痰迷本方加黃連 犀角 川貝母 一二錢

胸滿本方加大黃 犀角 枳殼 二三錢

欬嗽本方加貝母

發喘本方加大黃

桑皮

錢許

石膏

枳殼

喉痛本方加山荳根

黃連

石膏

口穢本方加石膏

大黃

咬牙本方加生地

大黃

石膏

喉腫本方加大黃

金銀花

二三錢

石膏

山荳根

頭腫

同前

鼻衄本方加大黃

山梔

一二錢

生地

犀角

小便短赤本方加黃連

猪苓

一二錢

滑石

泄瀉本方加澤瀉

一二錢

條苓

一二錢

大腸逼迫本方加大黃

檳榔

錢許

滑石

大便不通本方加大黃

枳實

滑石

腹痛本方加大黃

赤芍

青皮

痢本方加大黃

條苓

滑石

疹後牙疳與痘同宜消疳散

疹後餘嗽宜寧嗽飲

平肺寧嗽飲

桔苓 一錢

黃連 八分

牛子 錢半

桔梗 七分

甘草 四分

貝母 一錢

去心

不治之症開列於後

一出卽沒者不治

面色青黃浮沉不出大熱無神者不治

倒靨目閉無聲者不治

失音無神者不治

兩目天弔者不治

八  
六  
八